



御選唐宋詩醇卷之十一

襄陽杜甫詩三

目錄

乾元中寓居同谷縣作歌七首

水會渡

飛仙閣

龍門閣

石櫃閣

桔柏渡

卷十一

劍門

成都府

石犀行

題壁畫馬歌

戲題畫山水圖歌

題李尊師松樹障子歌

戲爲雙松圖歌

病柏

病橘



枯椶

枯柗

戲作花卿歌

柗樹爲風雨所拔歎

茅屋爲秋風所破歌

天邊行

苦戰行

述古

觀打魚歌

卷十一

又觀打魚

越王樓歌

冬到金華山觀因得故拾遺陳公學堂遺迹

通泉驛南去通泉縣十五里山水作

過郭代公故宅

短歌行

桃竹杖引

韋諷錄事宅觀曹將軍畫馬圖

丹青引

發閩中

寄韓諫議

見家語賦草書圖

憶昔

蘇文

冬狩行

別唐十五誠因寄禮部賈侍郎

閩山歌

閩水歌

草堂

太子張舍人遺織成褥段

卷十一

杜鵑

客堂

水閣朝霽奉簡嚴雲安

蠶穀行

古柏行

縛鷄行

牽牛織女

殿中楊監見示張旭草書圖

課伐木

槐葉冷淘

行官張望補稻畦水歸

上後園山腳

驅豎子摘蒼耳

秋行官張望督促東渚耗稻向畢清晨遣女奴阿

稽豎子阿段往問

卷十一

四

蘇子阿段往問

蘇子阿段往問

蘇子阿段往問

蘇子阿段往問

蘇子阿段往問

蘇子阿段往問

御選唐宋詩醇卷之十一

襄陽杜甫詩三

乾元中寓居同谷縣作歌七首

有客有客字子美。白頭亂髮垂過耳。歲拾橡栗隨狙公。
天寒日暮山谷裏。中原無書歸不得。手腳凍皴皮肉死。
嗚呼一歌兮歌已哀。悲風爲我從天來。

舊唐書時穀食踴貴甫寓居成州同谷縣自負薪拾

枲兒女餓殍者數人

長鏡長鏡白木柄。我生託子以爲命。黃獨無苗山雪盛。

卷十一

短衣數挽不掩脛。此時與子空歸來。男呻女吟四壁靜。
嗚呼二歌兮歌始放。鄰里爲我色惆悵。

仇兆鼂曰山谷云陳藏器本草載黃獨遇霜雪枯無

苗蓋蹲鴟之類蔡夢弼引別注云黃獨歲饑土人掘

以充糧公詩屢用黃精不必作黃獨按公詩若太平

寺泉眼及丈人山皆爲引年而發此歌則爲救饑而

言主黃獨爲是

有弟有弟在遠方。三人各瘦何人強。生別展轉不相見。
胡塵暗天道路長。東飛鴛鴦後鶯鶯。安得送我置汝旁。



嗚呼三歌兮歌三發。汝歸何處收兄骨。

趙叟曰公四弟曰穎觀豐占各散在他郡惟占從公

入蜀

有妹有妹在鍾離。良人早歿諸孤癡。長淮浪高蛟龍怒。
十年不見來何遲。扁舟欲往箭滿眼。杳杳南國多旌旗。
嗚呼四歌兮歌四奏。林猿爲我嘯清晝。

朱鶴齡曰猿多夜嘯。今嘯清晝。極言其悲也。解作竹

林穿鑿難信

四山多風。溪水急寒。雨颯颯。枯樹溼黃蒿。古城雲不開。

卷十一

二

白狐跳梁黃狐立。我生何爲在窮谷。中夜起坐萬感集。
嗚呼五歌兮歌正長。魂招不來歸故鄉。

仇兆鰲曰此歌忽然變調。寫得山昏水惡。雨驟風狂。
荒城晝暝。野狐羣嘯。頓覺空谷孤危。萬感交迫。招魂
於生前。收骨於死後。見存亡總不能自必矣。

南有龍兮在山湫。古木龍窠枝相樛。木葉黃落龍正蟄。
蝮蛇東來水上遊。我行怪此安敢出。拔劍欲斬且復休。
嗚呼六歌兮歌思遲。溪壑爲我回春姿。

王道俊曰前後六章皆自敘流離之感。不應此章獨

譏時事蓋詠同谷萬丈潭之龍也鄒知達引蘇注云此詩南有龍喻明皇在南內東坡必無是言

男兒生不成名身已老三年饑走荒山道長安卿相多少年富貴應須致身早山中儒生舊相識但話宿昔傷懷抱嗚呼七歌兮悄終曲仰視皇天白日速

慷慨悲歌足以裂山石而立海水殆所謂自鑄離騷者史遷云人勞苦倦極未嘗不呼天也疾痛慘怛未嘗不呼父母也甫之遇爲何如哉流離困頓轉徙山谷仰天一呼萬感交集而筆之奇氣之豪又足以發其所感淋

卷十一

二

漓頓挫自成音節自古及今不可有二宋祁云莫肯念亂小雅怨自然流泣袁安愁此之謂矣歌中思及弟妹字字至情南有龍一篇感時憫亂實有寓意若謂爲明皇而作則不免牽合耳

李廌曰太白遠別離蜀道難與子美同谷七歌風騷極致不在屈宋之下

胡應麟曰杜七歌亦做張衡四愁然七歌奇崛雄傑四愁和平婉麗漢唐短歌各爲絕唱所謂異曲同工王嗣爽曰七歌創作原不做離騷而哀實過之讀離

騷未必墮淚而讀此不能終篇則以節短而聲促也
仇兆鰲曰七歌結語皆本蔡琰胡笳曲

水會渡

山行有常程中夜尙未安微月沒已久崖傾路何難大江動我前洶若溟渤寬篙師暗理楫歌笑輕波瀾霜濃木石滑風急手足寒入舟已千憂陟巘仍萬盤回眺積水外始知眾星乾遠遊令人瘦衰疾慙加餐
仇兆鰲曰曹孟德詩星漢燦爛若出其裏與杜句可

參看

卷十一

四

飛仙閣

土門山行窄微徑緣秋豪棧雲闌千峻梯石結構牢萬壑欹疎林積陰帶奔濤寒日外淡泊長風中怒號歇鞍在地底始覺所歷高往來雜坐卧人馬同疲勞浮生有定分饑飽豈可逃歎息謂妻子我何隨汝曹

龍門閣

清江下龍門絕壁無尺土長風駕高浪浩浩自太古危途中縈盤仰望垂綫縷滑石欹誰鑿浮梁裊相拄目眩隕雜花頭風吹過雨百年不敢科一墜那得取飽聞經

瞿塘足見度大庾終身歷艱險恐懼從此數

石櫃閣

季冬日已長山晚半天赤蜀道多早花江間饒奇石石櫃曾波上臨虛蕩高壁清暉回羣鷗暝色帶遠客羈棲負幽意感歎向絕迹信甘孱懦嬰不獨凍餒迫優游謝康樂放浪陶彭澤吾衰未自安謝爾性所適

暝色帶遠客造語入妙光祿坂行云暝色無人獨歸客雋致減矣

桔柏渡

卷十一

五

青冥寒江渡駕竹爲長橋竿溼煙漠漠江永風蕭蕭連竿動婀娜征衣颯颯急流鵠鷁散絕岸鼉鼉驕西轅自茲異東逝不可要高通荆門路闊會滄海潮孤光隱顧盼遊子悵寂寥無以洗心胸前登山椒

劍門

惟天有設險劍門天下壯連山抱西南石角皆北向兩崖崇墉倚刻畫城郭狀一夫怒臨關百萬未可傍珠玉走中原岷峨氣悽愴三皇五帝前鷄犬各相放後王尙柔遠職貢道已喪至今英雄人高視見霸王并吞與割

據極力不相讓。吾將罪真宰。意欲鏟疊嶂。恐此復偶然。
臨風默惆悵。

危時之慮與劔閣銘固自有異。若李商隱井絡一首乃用銘意者。

江盈科曰：少陵秦州以後詩，突兀宏肆，迥異昔作。非有意換格。蜀中山水自是挺特奇崛，獨能象景傳神。使人讀之，山川歷落，居然在眼。所謂春蠶結繭，隨物肖形，乃爲真詩人真手筆也。

胡夏客曰：劔門詩因劔閣銘而成，但銘詞出以莊嚴。

卷十一

六

此詩尤加雄肆，用古而能勝於古人，方稱作家。

朱鶴齡曰：蜀爲財賦所出，自明皇臨幸，供億不貲，民力盡矣。民力盡而寇盜乘之，晉李特流人之禍，可爲明鑒。此詩故有岷峨悽愴，與英雄割據之慮也。

成都府

翳翳桑榆日，照我征衣裳。我行山川異，忽在天一方。但逢新人民，未卜見故鄉。大江東流去，游子去日長。曾城填華屋，季冬樹木蒼。喧然名都會，吹簫聞笙簧。信美無與適，側身望川梁。鳥雀夜各歸，中原杳茫茫。初月出不

高眾星尚爭光自古有羈旅我何苦哀傷
語意多本古人較途中諸作雖氣度少舒而憂思未嘗
忘也初月兩語上承中原一句王應麟以謂肅宗初立
盜賊未息最爲得解蓋至此身事少定不覺念及朝廷
甫豈須與忘君者哉

石犀行

君不見秦時蜀太守刻石立作三犀牛自古雖有厭勝
法天生江水向東流蜀人矜誇一千載泛溢不近張儀
樓今年灌口損戶口此事或恐爲神羞終藉隄防出眾

卷十一

七

力高擁木石當清秋先王作法皆正道詭怪何得參人
謀嗟爾三犀不經濟缺訛只與長川逝但見元氣常調
和自免洪濤恣凋瘵安得壯士提天綱再平水土犀奔
茫

斥不經之談歸之正道筆力傑畧不落言筌視石笋行
尤爲擅勝

題壁畫馬歌

原注韋
偃畫

韋侯別我有所適知我憐君畫無敵戲拈秃筆掃驪駟
歛見騏驎出東壁一匹齷草一匹嘶坐看千里當霜蹠

時危安得真。致此與人同。生亦同死。更覺真工。心誠古
屹然健筆。轉出命意。乃詩人之旨。亦夫平王。致浩古

戲題畫山水圖歌

原注王宰畫
宰丹青絕倫

十日畫一水。五日畫一石。能事不受相促迫。王宰始肯
畱真迹。壯哉崑崙方壺圖。挂君高堂之素壁。巴陵洞庭
日本東。赤岸水與銀河通。中有雲氣隨飛龍。舟人漁子
入浦溆。山木盡亞洪濤風。尤工遠勢古莫比。咫尺應須
論萬里。焉得并州快剪刀。剪取吳松半江水。

無名氏西清詩話曰。梁蕭文奐善畫於扇上。圖山水

卷十一

八

咫尺之內。便覺萬里爲遙。老杜云。尤工遠勢古莫比。
咫尺應須論萬里。乍讀似非用事。如男兒既介冑長。
揖別上官用介冑之士。不拜婦人在軍中。兵氣恐不
揚。用軍中豈有女子乎。皆用其事而隱其語。

題李尊師松樹障子歌

老夫清晨梳白頭。元都道士來相訪。握髮呼兒延入戶。
手提新畫青松障。障子松林靜杳冥。憑軒忽若無丹青。
陰崖卻承霜雪幹。偃蓋反走虬龍形。老夫平生好奇古。
對此興與精靈聚。已知仙客意相親。更覺良工心獨苦。

松下丈人中履同偶坐似是商山翁
悵望聊歌紫芝曲
時危慘澹來悲風

戲爲雙松圖歌

原注
韋偃

天下幾人畫古松
畢宏已老韋偃少
絕筆長風起
織未滿堂動色嗟
神妙兩株慘裂苔
薛皮屈鐵交錯回
高枝白摧朽骨龍
虎死黑入太陰雷雨垂
松根胡僧憩寂寞
龐眉皓首無住著
偏袒右肩露雙腳
葉裏松子僧前落
韋侯韋侯數相見
我有一匹好東絹
重之不減錦繡段
已令拂拭光凌亂
請公放筆爲直幹

卷十一

九

題畫諸篇刻意冥搜積思獨造與太白觀粉圖山水諸篇並駕齊驅遂爲此體之祖至於思業高奇絕幽鑿險則杜老又似稍優者蓋其詣力所近更覺良工心獨苦也

沈德潛曰突兀起不妨平接如堂上不合生楓樹下云聞君埽卻赤縣圖是也平調起必警語接此詩是也學者於此求之思過半矣

病柏

有柏生崇岡
童童狀車蓋
偃蹇龍虎姿
主當風雲會
神

明依正直故。老多再拜。豈知千年根。中路顏色壞。出非
不得地。蟠據亦高大。歲寒忽無憑。日夜柯葉改。丹鳳領
九雛。哀鳴翔其外。鴟鴞志意滿。養子穿穴內。客從何鄉
來。佇立久吁怪。靜求元精理。浩蕩難倚賴。

託喻之言可垂鑒戒

葉夢得曰此詩爲明皇而作

病橘

羣橘少生意。雖多亦奚爲。惜哉結實小。酸澀如棠梨。剖
之盡蠹蟲。采掇爽其宜。紛然不適口。豈只存其皮。蕭蕭

卷十一

十

半死葉未忍別。故枝元冬霜雪積。况乃回風吹。嘗聞蓬
萊殿。羅列瀟湘姿。此物歲不稔。玉食失光輝。寇盜尙憑
陵。當君減膳時。汝病是天意。吾諗罪有司。憶昔南海使
奔騰。獻荔支百馬。死山谷。到今耆舊悲。

因病橘而回憶荔枝婉轉言之多少慨歎

枯椶

蜀門多椶櫚。高者十八九。其皮割剝甚。雖眾亦易朽。徒
布如雲葉。青黃歲寒後。交橫集斧斤。凋喪先蒲柳。傷時
苦軍乏。一物官盡取。嗟爾江漢人。生成復何有。有同枯

櫻木使我沈歎久死者卽已休生者何自守啾啾黃雀
啁側見寒蓬走念爾形影乾摧殘沒藜莠

仇兆鰲曰詩中詠物之作有就本題作結者此章是
也有借客意作結者病橘枯枿是也可悟詩家擒縱
之法

枯枿

梗枿枯崢嶸鄉黨皆莫記不知幾百歲慘慘無生意上
枝摩皇天下根蟠厚地巨圍雷霆折萬孔蟲蟻萃凍雨
落流膠衝風奪佳氣白鵠遂不來天鷄爲愁思猶含棟

卷十一

十一

梁具無復霄漢志良工古昔少識者出涕淚種榆水中
央成長何容易截承金露盤裊裊不自畏

四詩皆託物起興風人之嗣音也

葉夢得曰此詩當是爲房次律而作

浦起龍曰四詩寄託遙深斂鋒鏑爲之力追古作者

戲作花卿歌

成都猛將有花卿學語小兒知姓名用如快鶻風火生
見賊唯多身始輕綿州副使著柘黃我卿埽除卽日平
子璋鬪醜血模糊手提擲還崔大夫李侯重有此節度

人道我卿絕世無。既稱絕世無天子。何不喚取守京都。
收筆婉轉自如。所謂意愜關飛動者。不獨子璋一句凜
凜有生色也。

唐書上元二年四月梓州刺史段子璋反襲東川節
度使李奭於綿州自稱梁王五月成都尹崔光遠率
將花敬定攻拔綿州斬子璋

詞
柵樹爲風雨所拔歎

倚江柵樹草堂前。故老相傳二百年。誅茅卜居總爲此
五月髣髴聞寒蟬。東南飄風動地至。江翻石走流雲氣。

卷十一

十一

幹排雷雨猶力爭。根斷泉源豈天意。滄波老樹性所愛
浦上童童一青蓋。野客頻畱懼雪霜。行人不過聽竿籟。
虎倒龍顛委榛棘。淚痕血點垂胸臆。我有新詩何處吟
草堂自此無顏色。

勢取矯厲意主樸真

茅屋爲秋風所破歌

八月秋高風怒號。卷我屋上三重茅。茅飛渡江灑江郊。
高者挂罥長林梢。下者飄轉沈塘坳。南村羣童欺我老
無力。忍能對面爲盜賊。公然抱茅入竹去。脣焦口燥呼

不得歸來倚杖自歎息。俄頃風定雲墨色。秋天漠漠向昏黑。布衾多年冷似鐵。驕兒惡卧踏裏裂。牀牀屋漏無乾處。雨腳如麻未斷絕。自經喪亂少睡眠。長夜沾溼何由徹。安得廣廈千萬間。大庇天下寒士俱歡顏。風雨不動安如山。嗚呼何時眼前突兀見此屋。吾廬獨破受凍死亦足。

極無聊事以直寫見筆力入後大波軒然而起疊筆作收如龍掉尾非僅見此老胸懷若無此意則詩亦不可不作

卷十一

十一

朱鶴齡曰白樂天云安得布裘長萬丈與君都蓋洛陽城同此意

天邊行

天邊老人歸未得。日暮東臨大江哭。隴右河源不種田。胡騎羌兵入巴蜀。洪濤滔天風拔木。前飛秃鶩後鴻鵠。九度附書向洛陽。十年骨肉無消息。

苦戰行

苦戰身死馬將軍。自云伏波之子孫。干戈未定失壯士。使我歎恨傷精魂。去年江南討狂賊。臨江把臂難再得。

別時孤雲今不飛。時獨看雲淚橫臆。
情溢乎詞音長節短。

述古

赤驥頓長纓。非無萬里姿。悲鳴淚至地。爲問馭者誰。鳳皇從東來。何意復高飛。竹花不結實。念子忍朝飢。古時君臣合。可以物理推。賢人識定分。進退固其宜。

唐汝詢曰驥無良馭則踈萬里之能鳳無竹實則高飛而不下君臣相合之義當以此理推之賢者固知所自守而用人者可不加之意乎

卷十一

古

市人日中集於利。競錐刀。置膏烈火上。哀哀自煎熬。農人望歲稔。相率除蓬蒿。所務穀爲本。邪贏無乃勞。舜舉十六相。身尊道何高。秦時任商鞅。法令如牛毛。比賦相兼名。論不朽。蘇軾以末四句爲稷契輩人語。信有其意。

朱鶴齡曰是時第五琦劉晏皆以宰相領度支鹽鐵使權稅四出利析錐刀故言爲治之道在乎惇本抑末舉良相以任之不當用興利之臣以滋民僞也

觀打魚歌

綿州江水之東津。魴魚鱗鱗色勝銀。漁人漾舟沈大網。
截江一擁數百鱗。眾魚常才盡卻棄。赤鯉騰出如有神。
潛龍無聲老蛟怒。回風颯颯吹沙塵。饗子左右揮霜刀。
膾飛金盤白雪高。徐州秃尾不足憶。漢陰槎頭遠遁逃。
魴魚肥美知第一。既飽歡娛亦蕭瑟。君不見朝來割素
馨。咫尺波濤永相失。

又觀打魚

蒼江漁子清晨集。設網提綱萬魚急。能者操舟疾若風。
撐突波濤挺义入。小魚脫漏不可記。半死半生猶戢戢。

卷十一

五

大魚傷損皆垂頭。屈強泥沙有時立。東津觀魚已再來。
主人罷鱸還傾杯。日暮蛟龍改窟穴。山根鱸鮪隨雲雷。
干戈兵革鬪未止。鳳皇麒麟安在哉。吾徒胡爲縱此樂。
暴殄天物聖所哀。

指事言情詞意簡遠如龍門之桐百尺無枝又如萬石
洪鐘不作細響此所以爲大家

管仇兆鰲曰從竭澤而漁處寫出慘酷可憐之狀具見

愛物仁心

黃生曰前詩寓感此詩寓規體物既精命意復遠

越王樓歌

綿州州府何磊落。顯慶年中越王作。孤城西北起高樓。
碧瓦朱甍照城郭。樓下長江百丈清。山頭落日半輪明。
君王舊迹今人賞。轉見千秋萬古情。

泠泠雅調或謂做王子安滕王閣而風致小遜非也

冬到金華山觀因得故拾遺陳公學堂遺迹

浩右眾山內金華紫崔嵬。上有蔚藍天垂光。抱瓊臺繫
舟接絕壁。杖策窮縈回。四顧俯層巔。淡然川谷開。雪嶺
日色死。霜鴻有餘哀。焚香玉女跪。霧裏仙人來。陳公讀

卷十一

七

書堂石柱仄青苔。悲風爲我起激烈。傷雄才。

通泉驛南去通泉縣十五里山水作

溪行衣自溼。亭午氣始散。冬溫蚊蚋在人遠。鳧鴨亂登
頓生曾陰。欹傾出高岸。驛樓衰柳側。縣郭輕煙畔。一川
何綺麗。盡目窮壯觀。山色遠寂寞。江光夕滋漫。傷時愧
孔父。去國同王粲。我生苦飄零。所歷有嗟歎。
眼前景色寫出自有佳致

過郭代公故宅

豪俊初未遇。其迹或脫略。代公尉通泉。放意何自若。及

夫登衮冕直氣森噴薄。磊落見異人。豈伊常情度。定策
神龍後。宮中翕清廓。俄頃辨尊親。指揮存顧託。羣公有
慚色。王室無削弱。迴出名臣上。丹青照臺閣。我行得遺
迹。池館皆疏鑿。壯公臨事斷。顧步涕橫落。高咏寶劍篇。
神交付冥漠。

仇兆鰲曰。俄頃辨尊親。推其決幾之明。壯公臨事斷
服其應變之敏。二語能寫出代公身分荀彧之失身。
誤於不能辨陳竇之僨事。失於不能斷杜詩論人必
具特識。推此可見。

卷十一

七

短歌行

原注贈王
郎司直

王郎酒酣拔劍斫地歌莫哀。我能拔爾抑塞磊落之奇
才。豫樟翻風白日動。鯨魚跋浪滄溟開。且脫佩劍休徘徊。
徇西得諸侯。棹錦水。欲向何門跋珠履。仲宣樓頭春色
深。青眼高歌望吾子。眼中之人吾老矣。

劉會孟曰。豪氣激人堂堂復堂堂。

盧世淮曰。突兀橫絕跌宕悲涼。

桃竹杖引

江心蟠石生桃竹。蒼波噴浸尺度足。斬根削皮如紫玉。

江妃水仙惜不得。梓潼使君開一束。滿堂賓客皆歎息。
憐我老病贈兩莖。出入爪甲鏗有聲。老夫復欲東南征。
乘濤鼓枻白帝城。路幽必爲鬼神奪。拔劍或與蛟龍爭。
重爲告曰。杖兮杖兮。爾之生也甚。正直慎勿見水踴躍。
學變化。爲龍使我不得爾之扶持。滅迹於君山湖上之
青峰。噫。風塵瀕洞兮。豺虎咬人。忽失雙杖兮。吾將曷從。
奇變酷似太白老杜真乃無所不有。

朱鶴齡曰。此詩蓋借竹杖以規諷章畱後也。旣以踴躍爲龍戒之。又以忽失雙杖危之。其微旨可見。

卷十一

文

仇兆鰲曰。宋之問騷體詩有嵩山天門歌。杜詩此篇所自出。然杜之靈奇卻勝於宋之雋麗。

韋諷錄事宅觀曹將軍畫馬圖

國初已來畫鞍馬。神妙獨數江都王。將軍得名三十載。
人間又見真乘黃。曾貌先帝照夜白。龍池十日飛霹靂。
內府殷紅馬腦盤。婕妤傳詔才人索。盤賜將軍拜舞歸。
輕紈細綺相追飛。貴戚權門得筆迹。始覺屏障生光輝。
昔日太宗拳毛騮。近時郭家師子花。今之畫圖有二馬。
復合識者久歎嗟。此皆騎戰一敵萬。縞素漠漠開風沙。

其餘七匹亦殊絕。迥若寒空動煙雪。霜蹠踏長楸間。
馬官廝養森成列。可憐九馬爭神駿。顧視清高氣深穩。
借問苦心愛者誰。後有韋諷前支遁。憶昔巡幸新豐宮。
翠華拂天來向東。騰驤磊落三萬匹。皆與此圖筋骨同。
自從獻寶朝河宗。無復射蛟江水中。君不見金粟堆前
松柏裏。龍媒去盡鳥呼風。

蒼莽歷落中法律。深細前從照夜白。敘入卽伏末段感
慨中間錯綜九馬文勢跌宕可謂毫髮無遺憾波瀾獨
老成矣七古至於老杜浩浩落落獨往獨來神龍在霄

卷十一

九

連蜷變化不可方。物天馬行空脫去羈勒足以橫睨一
世獨有千古東坡書韓幹牧馬圖猶非其匹况他人乎

丹青引

原注贈曹將軍霸

將軍魏武之子孫。於今爲庶爲清門。英雄割據雖已矣。
文采風流猶尚存。學書初學衛夫人。但恨無過王右軍。
丹青不知老將至。富貴於我如浮雲。開元之中常引見。
承恩數上南薰殿。凌煙功臣少顏色。將軍下筆開生面。
良相頭上進賢冠。猛將腰間大羽箭。褒公鄂公毛髮動。
英姿颯爽來酣戰。先帝天馬五花驄。畫工如山貌不同。

是日牽來赤墀下。迴立闔闔生長風。詔謂將軍拂絹素。
意匠慘淡經營中。斯須九重眞龍出一洗。萬古凡馬空。
玉花卻在御榻上。榻上庭前屹相向。至尊含笑催賜金。
圍人太僕皆惆悵。弟子韓幹早入室。亦能畫馬窮殊相。
幹惟畫肉不畫骨。忍使驪氣凋。喪將軍畫善蓋有神。
必逢佳士亦寫眞。卽今飄泊干戈際。屢貌尋常行路人。
途窮反遭俗眼白。世上未有如公貧。但看古來盛名下。
終日坎壈纏其身。

起筆老橫開元之中以下敘昔日之遇正爲末段反照

卷十一

十一

丹青之妙見贈言之義明矣通篇瀏灑頓挫節奏之妙
於斯爲極

許顛曰老杜丹青引一洗萬古凡馬空東坡觀吳道
子畫壁詩筆所未到氣已吞二公之詩足以當之
沈德潛曰畫人畫馬賓主相形縱橫跌宕此種篇法
得之於心應之於手有化工而無人力莫能贊歎其
妙

發閨中

前有毒蛇後猛虎溪行盡日無村塢江風蕭蕭雲拂地

山木慘慘天欲雨。女病妻憂歸意速。秋花錦石誰復數。
別家三月一得書。避地何時免愁苦。

寄韓諫議

今我不樂思岳陽。身欲奮飛病在牀。美人娟娟隔秋水。
濯足洞庭望八荒。鴻飛冥冥日月白。青楓葉赤天雨霜。
玉京羣帝集北斗。或騎騏驎翳鳳皇。芙蓉旌旗煙霧樂。
影動倒景搖瀟湘。星宮之君醉瓊漿。羽人稀少不在旁。
似聞昨者赤松子。恐是漢代韓張良。昔隨劉氏定長安。
帷幄未改神慘傷。國家成敗吾豈敢。色難腥腐餐風香。
周南留滯古所惜。南極老人應壽昌。美人胡爲隔秋水。
焉得置之貢玉堂。

卷十一

三

黃生曰錢謙益謂此詩欲韓貢李泌於玉堂者其說
近鑿公蓋與韓有舊故作此寄之按史記索隱注云
子房本韓之公族故曰漢代韓張良所指本自明白
浦起龍曰源本楚騷亦近太白

憶昔

憶昔開元全盛日。小邑猶藏萬家室。稻米流脂粟米白。
公私倉廩俱豐實。九州道路無豺虎。遠行不勞吉日出。

齊紈魯縞車班班男耕女桑不相失宮中聖人奏雲門
天下朋友皆膠漆百餘年間未災變叔孫禮樂蕭何律
豈聞一絹值萬錢有田種穀今流血洛陽宮殿燒焚盡
宗廟新除狐兔穴傷心不忍問耆舊復恐初從亂離說
小臣魯鈍無所能朝廷記識蒙祿秩周宣中興望我皇
灑血江漢身衰疾

居然變雅治亂相形極其沈痛

王嗣夷曰百餘年間二句蓋言法度之存亡關乎國
家之理亂先敘此二語隨用豈聞二字轉下如快馬

卷十一

三

騫澗何等筆力

仇兆鰲曰明皇當豐亨豫大時忽盈虛消息之理致
開元變爲天寶流禍兩朝而亂猶未已此詩於理亂
興亡之故反覆痛陳蓋亟望代宗撥亂反治復見開
元之盛焉

冬狩行

原注時梓州刺史章彝
兼侍御史雷後東川

君不見東川節度兵馬雄校獵亦似觀成功夜發猛士
三千人清晨合圍步驟同禽獸已斃十七八殺聲落日
回蒼穹幕前生致九青兕駝駝巖崖垂元熊東西南北

百里間。髣髴踏寒山。空有鳥名鶴。力不能高飛。逐走蓬肉味不足登鼎俎。何爲見羈虞。羅中春蒐冬狩侯。得同使君五馬一馬驄。况今攝行大將權。號令頗有前賢風。飄然時危一老翁。十年厭見旌旗紅。喜君士卒甚整肅。爲我回轡擒西戎。草中狐兔盡。何益天子不在咸陽宮。朝廷雖無幽王禍。得不哀痛塵再蒙。嗚呼得不哀痛塵再蒙。

大義凜然及今誦之如見其壯顏毅色

申涵光曰草中狐兔盡何益二句卽賈生不獵猛敵

卷十一

十一

而獵禽獸意

王洙曰代宗在陝詔徵天下兵時程元振用事無一人應詔者故章末感激言之

別唐十五誠因寄禮部賈侍郎

九載一相逢。百年能幾何。復爲萬里別。送子山之阿。白鶴久同林。潛魚本同河。未知棲集期。衰老強高歌。歌罷兩悽惻。六龍忽蹉跎。跼相視髮皓白。況難駐羲和。胡星墜燕地。漢將仍橫戈。蕭條四海內。人少豺虎多。少人慎莫投。多虎信所過。飢有易子食。獸猶畏虞羅。子負經濟才。

天門鬱嵯峨。飄颻適東周。來往若崩波。南宮吾故人。白馬金盤陀。雄筆映千古。見賢心靡他。念子善師事。歲寒守舊柯。爲吾謝賈公。病肺卧江沱。

梅堯臣曰。飢有易子食。二語含蓄甚深。殆不可模倣。

閬山歌

閬州城東靈山白。閬州城北玉臺碧。松浮欲盡不盡雲。江動將崩未崩石。那知根無鬼神會。已覺氣與嵩華敵。中原格鬪且未歸。應結茅齋看青壁。

閬水歌

嘉陵江色何所似。石黛碧玉相因依。正憐日破浪花出。更復春從沙際歸。巴童蕩槳欹側過。水雞銜魚來去飛。閬中勝事可腸斷。閬州城南天下稀。

二詩著語奇秀。覺空翠撲人。冲襟相照。

草堂

昔我去草堂。蠻夷塞成都。今我歸草堂。成都適無虞。請陳初亂時。反覆乃須臾。大將赴朝廷。羣小起異圖。中宵斬白馬。盟歃氣已麤。西取邛南兵。北斷劔閣隅。布衣數十人。亦擁專城居。其勢不兩大。始聞蕃漢殊。西卒卻倒。

戈賊臣互相誅焉。知肘腋禍自及。梟鏡徒義士皆痛憤。
紀綱亂相踰一國。實三公萬人欲爲魚。唱和作威福。孰
肯辨無辜。眼前列柵械。背後吹笙竽。談笑行殺戮。濺血
滿長衢。到今用鉞地。風雨聞號吁。鬼妾與鬼馬。色悲充
爾娛。國家法令在此。又足驚吁。賤子且奔走。三年望東
吳。弧矢暗江海。難爲遊五湖。不忍竟舍此。復來薤榛蕪。
入門四松在。步履萬竹疎。舊犬喜我歸。低徊入衣裾。鄰
舍喜我歸。沽酒攜胡蘆。大官喜我來。遣騎問所須。城郭
喜我來。賓客隘村墟。天下尙未寧。健兒勝腐儒。飄颻風
塵際。何地置老夫。於時見疣贅。骨髓幸未枯。飲啄愧殘
生。食薇不敢餘。

記離亂事可補史氏之闕

錢謙益曰。竇應元年四月。嚴武入朝。七月。劍南西川
節度使徐知道反。八月。伏誅。公攜家避亂往梓州。廣
德二年。武鎮劍南。公復還成都草堂。此詩云。大將赴
朝廷。羣小起異圖。謂武入朝而知道反也。北斷劍閣。
隅謂知道以兵守要害。武不得出也。賊臣互相誅。謂
知道爲其下李忠厚所殺也。

太子張舍人遺織成褥段

客從西北來。遺我翠織成。開緘風濤湧。中有掉尾鯨。透
迤羅水族。瑣細不足名。客云充君褥。承君終宴榮。空堂
魑魅走。高枕形神清。領客珍重意。顧我非公卿。畱之懼
不祥。施之混柴荆。服飾定尊卑。大哉萬古程。今我一賤
老。裋褐更無營。煌煌珠宮物。寢處禍所嬰。歎息當路子。
干戈尚縱橫。掌握有權柄。衣馬自肥輕。李鼎死岐陽。實
以驕貴盈。來瑱賜自盡。氣豪直阻兵。皆聞黃金多。坐見
悔吝生。奈何田舍翁。受此厚貺情。錦鯨卷還客。始覺心
和平。振我麤席塵。愧客茹藜羹。

卷十一

美

因小見大殊有關於典制足以正人心而厚風俗

錢謙益曰史稱嚴武累年在蜀肆志逞欲恣行猛政
窮極奢靡賞賜無度公在武幕下作此諷諭至舉李
鼎來瑱以深戒之朋友責善之道也不然辭一織成
之遺而侈談殺身自盡之禍無病而呻豈詩人之意
乎

杜鵑

西川有杜鵑東川無杜鵑涪萬無杜鵑雲安有杜鵑我

昔遊錦城結廬。錦水邊有竹一頃餘。喬木上參天。杜鵑
暮春至。哀哀叫其間。我見常再拜。重是古帝魂。生子百
鳥巢。百鳥不敢噉。仍爲餒其子。禮若奉至尊。鴻雁及羔
羊。有禮太古前行。飛與跪乳識。序如知恩。聖賢古法則。
付與後世傳。君看禽鳥情。猶解事杜鵑。今忽暮春間。值
我病經年。身病不能拜。淚下如迸泉。

古調微辭集中題。凡再見知其寄慨者深矣。其集外一
篇則僞也。至於發端四語不關詩之工拙。謂必如是乃
合樂府亦固哉之論。

卷一

七

王士祿曰興觀羣怨讀此慨然有得

客堂

憶昨離少城。而今異楚蜀。舍舟復深山。窅窕一林麓。樓
泊雲安縣。消中內相毒。舊疾廿載來。衰年得無足。死爲
殊方鬼。頭白免短促。老馬終望雲。南雁意在北。別家長
兒女。欲起慚筋力。客堂斂節改。具物對羈束。石暄蕨芽
紫。渚秀蘆笋綠。巴鷲紛未稀。徼麥早向熟。悠悠日動江
漠漠。春辭木臺郎。選才俊。自顧亦已極。前輩聲名人。埋
沒何所得。居然綰章紱。受性本幽獨。平生憩息地。必種

數竿竹。事業只濁醪。營葺但草屋。上有記者。累奏資
薄祿。主憂豈濟時。身遠彌曠職。循文廟。算正獻。可天衢。
直尙想趨朝廷。毫髮裨社稷。形骸今若是。進退委行色。
水閣朝霽。本簡嚴雲安。

東城抱春岑。江閣鄰石面。崔嵬晨雲白。朝旭射芳甸。雨
檻臥花叢。風牀展書卷。鉤簾宿鷺起。丸藥流鸞轉。呼婢
取酒壺。續兒誦文選。晚交嚴明府。矧此數相見。
選體青山捫蝨坐。黃鳥抱書眠。極力追擬去之彌遠。

蔡天啟曰。荆公每稱老杜鉤簾宿鷺起。丸藥流鸞轉。

卷一

天

以爲用意高妙。五字模楷。

蠶穀行

天下郡國向萬城。無有一城無甲兵。焉得鑄甲作農器。
一寸荒田牛得耕。牛盡耕蠶亦成。不勞烈士淚滂沱。男
穀女絲行復歌。
有慨乎其言之。

古柏行

孔明廟前有老柏。柯如青銅根如石。霜皮溜雨四十圍。
黛色參天二千尺。君臣已與時際會。樹木猶爲人愛惜。

雲來氣接巫峽長。月出寒通雪山白。憶昨路遶錦亭東。
先主武侯同閫宮。崔嵬枝幹郊原古。窈窕丹青戶牖空。
落落盤踞雖得地。冥冥孤高多烈風。扶持自是神明力。
正直原因造化功。大厦如傾要梁棟。萬牛回首邱山重。
不露文章世已驚。未辭翦伐誰能送。苦心豈免容蠖蟻。
香葉終經宿鸞鳳。志士幽人莫怨嗟。古來材大難爲用。
情深文明眼空筆。老干載而下如聞太息之聲。

王嗣爽曰公生平極贊孔明蓋竊比之意孔明才大而不盡其用公嘗自比稷契而人莫之用故篇終結

卷十一

五

出才大難用此作詩本旨發興於古柏者也

李因篤曰武侯廟柏自不得作一細語如太史公用尙書爲本紀厚重乃爾

縛雞行

小奴縛雞向市賣。雞被縛急相喧爭。家中厭雞食蟲蟻。
不知雞賣還遭烹。蟲雞於人何厚薄。吾叱奴人解其縛。
雞蟲得失無了時。注目寒江倚山閣。

齊物之旨

師厚曰天下利害當權輕重除寇則勞民愛民則養

寇與其養寇孰若勞民與其惜蟲孰若存雞此論聖
人不_易天下亦無難處之事始知浮屠法不可治世
蔡正孫曰步里客談云古人作詩斷句輒旁入他意
最爲警策如老杜云雞蟲得失無了時注目寒江倚
弋山閣是也黃魯直作水仙花詩坐對眞成被花惱出
日門一笑大江橫亦是此意

下更牽牛織女

牽牛出河西織女處其東萬古永相望七夕誰見同神
光意難候此事終蒙朧颯然精靈合何必秋遂通亭亭

卷一

三

新妝立龍駕具曾空世人亦爲爾祈請走兒童稱家隨
豐儉白屋達公宮膳夫翊堂殿鳴玉淒房櫳曝衣遍天
下曳月揚微風蛛絲小人態曲綴瓜果中初筵瀼重露
日出甘所終嗟汝未嫁女秉心鬱忡忡防身動如律竭
力機杼中雖無姑舅事敢昧織作功明明君臣契咫尺
或未容義無棄禮法恩始夫婦恭小大有佳期戒之在
至公方圓苟齟齬丈夫多英雄

借題發議正而不腐起處作疑詞李商隱七夕詩所自
出也

張縉曰易言物不可以苟合故借牛女無私會之事以興男女無苟合之道又因男女無苟合之道以比君臣無苟合之義觸類旁通高古嚴正可見古作詩者之意

殿中楊監見示張旭草書圖

斯人已云亡草聖秘難得及茲煩見示滿目一凄惻悲風生微綃萬里起古色鏘鏘鳴玉動落落羣松直連山蟠其間溟漲與筆力有練實先書臨池真盡墨俊拔爲之主暮年思轉極未知張王後誰並百代則嗚呼東吳精逸氣感清識楊公拂篋笥舒卷忘寢食念昔揮毫端不獨觀酒德

形容草書奇語獨造

錢謙益曰李頎贈張顛詩云皓首窮草隸時稱太湖精

課伐木

并序

課隸人伯夷幸秀信行等入谷斬陰木人曰四根止維條伊枚正直挺然晨征暮返委積庭內我有藩籬是缺是補載伐篠蕩伊仗支持則旅次於小安山有虎知禁若恃爪牙之利必昏黑樵突夔人屋壁列樹

白菊。饒爲牆。實以竹。示式。遏爲與虎近。混淪乎無良。
賓客憂害馬之徒。苟活爲幸。可嘿息。已作詩。示宗武。

誦

長夏無所爲。客居課奴僕。清晨飯其腹。持斧入白谷。青
冥曾巔後。十里斬陰木。人肩四根已。亭午下山麓。尙聞
丁丁聲。功課日各足。蒼皮成委積。素節相照燭。藉汝跨
小籬。當仗若虛竹。空荒咆熊羆。乳獸待人肉。不示知禁
情。豈惟干戈哭。城中賢府主。處貴如白屋。蕭蕭理體淨。
蜂蠆不敢毒。虎穴連里閭。隄防舊風俗。泊舟滄江岸。久

卷十一

三

客慎所觸。舍西崖。嶠壯雷。蔚含蓄。牆宇資。屢修。衰年
怯幽獨。爾曹輕執熱。爲我忍煩促。秋光近青岑。季月當
泛菊。報之以微寒。共給酒一斛。

槐葉冷淘

青青高槐葉。采掇付中廚。新麪來近市。汁滓宛相俱。入
鼎資過熟。加餐愁欲無。碧鮮俱照筯。香飯兼苞蘆。經齒
冷於雪。勸人投比珠。願隨金騾裏。走置錦屠蘇。路遠思
恐泥。興深終不渝。獻芹則小小。薦藻明區區。萬里露寒
殿。開冰清玉壺。君王納涼晚。此味亦時須。

隨事徵其忠款所謂一飯不忘君者信然

朱子語錄曰文字好用經語亦一病東坡寫此詩至路遠思恐泥云此不足爲法

行官張望補稻畦水歸

東屯大江北百頃平若按六月青稻多千畦碧泉亂插秧適云已引澗加溉灌更僕往方塘決渠當斷岸公私各地著浸潤無天旱主守問家臣分明見溪畔芊芊炯翠羽剡剡生銀漢鷗鳥鏡裏來關山雪邊看秋菰成黑米精鑿傳白粲玉粒足晨炊紅鮮任霞散終然添旅食作苦期壯觀遺穗及眾多我倉戒滋蔓

卷十一

十一

黃生曰杜田園諸詩覺有傲睨陶公之色其氣力沈雄骨格蒼勁本色自不可掩

上後園山腳

朱夏熱所嬰清旭步北林小園背高岡挽葛上崎崟曠望延駐目飄飄散疎襟潛鱗恨水壯去翼依雲深勿謂地無疆劣於山有陰石椽遍天下水陸兼浮沈自我登隴首十年經碧岑劒門來巫峽薄倚浩至今故園暗戎馬骨肉失追尋時危無消息老去多歸心志士惜白日

久客藉黃金敢爲蘇門嘯庶作梁父吟

杜田曰橐音原木名皮可食或云善本止是石原

驅豎子摘蒼耳

江上秋已分林中瘴猶劇。畦丁告勞苦無以供日夕。蓬
莠獨不焦野蔬暗泉石。卷耳况療風童兒且時摘。侵星
驅之去爛熳任遠適。放筐亭午際洗剝相蒙羃。登牀半
生熟下筯還小益。加點瓜。殲間依稀橘奴迹。亂世誅求
急黎民糠粃窄飽食復何心荒哉膏梁客富家廚肉臭
戰地骸骨白寄語惡少年黃金且休擲

卷十一

十四

仇兆鰲曰膏梁徒飽而黎民苦飢傷在居人富家食
肉而戰場暴骨傷及征夫此歎物力之宜惜也

秋行官張望督促東渚耗稻向畢清晨遣女奴阿
稽豎子阿段往問

東渚雨今足佇聞粳稻香上天無偏頗蒲稗各自長人
情見非類田家戒其荒功夫競搢搢除草置岸旁穀者
命之本客居安可忘青春具所務勤墾免亂常吳牛力
容易並驅動莫當豐苗亦已穰雲水照方塘有生固蔓
延靜一資隄防督領不無人提攜頗在綱荆揚風土暖

蕭蕭候微霜尚恐主守疎用心未甚臧清朝遣婢僕寄
語踰崇岡西成聚必散不獨陵我倉豈要仁里譽感此
亂世忙北風吹蒹葭蟋蟀近中堂荏苒百工休鬱紆遲
暮傷

卷十一

姜

御選唐宋詩醇卷之十二

襄陽杜甫詩四

目錄

雨

又上後園山腳

種蒿苳

八哀詩

贈司空王公思禮

故司徒李公光弼

卷十二

贈左僕射鄭國公嚴公武

贈太子太師汝陽郡王璣

贈祕書監江夏李公邕

故祕書少監武功蘇公源明

故著作郎貶台州司戶滎陽鄭公虔

故右僕射相國張公九齡

寫懷

觀公孫大娘子舞劒器行

同元使君春陵行

李潮八分小篆歌

聽楊氏歌

荆南兵馬使太常卿趙公大食刀歌

王兵馬使二角鷹

狄明府

秋風二首

虎牙行

後苦寒行二首

夜歸

卷十二

醉爲馬陸諸公攜酒相看

大覺高僧蘭若

宿青溪驛奉懷張員外十五兄之緒

憶昔行

魏將軍歌

北風

白晝行

醉歌行贈公安顏少府請顧八題壁

夜聞簫箎

發劉郎浦

別董穎

送顧八分文學適洪吉州

遣遇

解憂

宿鑿石浦

過津口

次空靈岸

宿花石戍

卷十二

望嶽

岳麓山道林二寺行

歲晏行

追酬故高蜀州人日見寄

蘇大侍御訪江浦賦八韻紀異

題衡山縣文宣王廟新學堂呈陸宰

三

御選唐宋詩醇卷之十二

襄陽杜甫詩四

雨

空山中宵陰。微冷先枕席。回風起清曙。萬象萋已碧。落
落出岫雲。渾渾倚天石。日假何道行。雨含長江白。連檣
荊州船。有士荷矛戟。南防草鎮慘。霑溼赴遠役。羣盜下
辟山。總戎備強敵。水深雲光廓。鳴櫓各有適。漁艇息悠
悠。夷歌負樵客。畱滯一老翁。書時記朝夕。

王嗣奭曰公憂旱詩云上天鑠金石羣盜亂豺虎今

卷十二

一

雖得雨而復憂盜上一章憂吳楚之盜故恐遠客難
行此章憂峽中之盜故憐士卒勞役

又上後園山腳

昔我遊山東。憶戲東嶽陽。窮秋立日觀。矯首望八荒。朱
崖著毫髮。碧海吹衣裳。蓐收困用事。元冥蔚強梁。逝水
自朝宗。鎮名各其方。平原獨憔悴。農力廢耕桑。非關風
露凋。曾是戍役傷。於時國用富。足以守邊疆。朝廷任猛
將。遠奪戎虜場。到今事反覆。故老淚萬行。龜蒙不復見
況乃懷舊鄉。肺萎屬久戰。骨出熱中腸。憂來杖匣劍。更

上林北岡。瘴毒猿鳥落。峽乾南日黃。秋風亦已起。江漢始如湯。登高欲有往。蕩析川無梁。哀彼遠征人。去家死路旁。不及祖父塋。纍纍塚相當。

劉會孟曰。情緒闊遠。收拾悲慟。

種葛苴 并序

既雨已。秋堂下理小畦。隔種一兩席許。葛苴向二旬矣。而苴不甲坼。獨野苳青青。傷時君子。或晚得微祿。輒軻不進。因作此詩。

陰陽一錯亂。驕蹇不復理。枯旱於其中。炎方慘如燬。植物半蹉跎。嘉生將已矣。雲雷歛奔命。師伯集所使。指麾赤白日。瀕洞青光起。雨聲先已風。散足盡西靡。山泉落滄江。霹靂猶在耳。終朝紆颯沓。信宿罷瀟灑。堂下可以畦。呼童對經始。苴兮蔬之常。隨事藝其子。破塊數席間。荷鋤功易止。兩旬不甲坼。空惜埋泥滓。野苳迷汝來。宗生實於此。此輩豈無秋。亦蒙寒露委。翻然出地速。滋蔓戶庭毀。因知邪干正。掩抑至沒齒。賢良雖得祿。守道不封已。擁塞敗芝蘭。眾多盛荆杞。中園陷蕭艾。老圃承爲恥。登於白玉盤。藉以如霞綺。苳也無所施。胡顏入筐篚。

以上諸篇皆羈旅無聊中卽景遣懷紀細事寫憂心而已然規模旣大波瀾自遠每一篇中莫不俯仰今昔推通物理言近而指則遠語質而思則深論者所云不作諸家細碎詩也劉勰云人稟七情應物斯感感物吟志莫非自然此之諸篇殆亦自然流露者矣故能藏風韻於荒涼寓高華於懇朴若儲王田家詩但寫情景當別有位置不可與此並論

高元之曰自古工詩者未嘗無興也覩物有感則有興今之作詩以興近乎訛也故不敢作而詩之一義

卷十二

三

廢矣杜鵑苜詩皆興小人盛而掩抑君子也高適題處士園云耕地桑柘閒地肥菜常熟爲問葵藿資何如廟堂肉則近乎訛矣作詩者知興之與訛異始可與言詩

浦起龍曰當與菁莪巷伯諸詩並讀人知好前後出塞三吏三別等篇不知好此種彼爲漢魏之後勁此爲風雅之希聲

入哀詩

并序

傷時盜賊未息興起王公李公歎舊懷賢終於張相

國入公前後存沒遂不詮次焉。

贈司空王公思禮

司空出東夷。童稚刷勁鬪。追隨燕薊兒。穎銳物不隔。服
事哥舒翰。意無流沙磧。未甚拔行閒。犬戎大充斥。短小
精悍姿。屹然強寇敵。貫穿百萬眾。出入由咫尺。馬鞍懸
將首。甲外控鳴鏑。洗劍青海水。刻銘天山石。九曲非外
蕃。其王轉深壁。飛兔不近駕。驚鳥資遠擊。曉達兵家流。
飽聞春秋癖。胸襟日沈靜。肅肅自有適。潼關初潰散。萬
乘猶辟易。偏裨無所施。元帥見手格。太子入朔方。至尊

卷十二

四

狩梁益。胡馬纏伊洛。中原氣甚逆。肅宗登寶位。塞望勢
敦迫。公時徒步至。請罪將厚責。際會清河公。閒道傳玉
冊。天王拜跪畢。讜議果冰釋。翠華卷飛雪。熊虎亘阡陌。
屯兵鳳凰山。帳殿涇渭關。金城賊咽喉。詔鎮雄所搃。禁
暴清無雙。爽氣春淅瀝。巷有從公歌。野多青麥及。夫
哭廟後。復領太原役。恐懼祿位高。恨望王土窄。不得見
清時。嗚呼就窀穸。窀穸永繫五湖舟。悲甚田橫客。千秋汾晉
閒。事與雲水白。昔觀文苑傳。豈述廉蘭績。嗟嗟鄧大夫。
士卒終倒戟。

故司徒李公光弼

司徒天寶末北收晉陽甲胡騎攻吾城愁寂意不愜人
安若泰山薊北斷右脅朔方氣乃蘇黎首見帝業二宮
泣西郊九廟起頽壓未散河陽卒思明僞臣妾復自碣
石來火焚乾坤獵高視笑祿山公又大獻捷異王冊崇
勳小敵信所怯擁兵鎮河汴千里初妥帖青蠅紛營營
風雨秋一葉內省未入朝死淚終映睫大屋去高棟長
城埽遺堞平生白羽扇零落蛟龍匣雅望與英姿惻愴
槐里接三軍晦光彩烈士痛稠疊直筆在史臣將來洗
箱篋吾思哭孤冢南紀阻歸楫扶顛永蕭條未濟失利
涉疲荼竟何人洒涕巴東峽

王李名將實爲起興所由李功業尤隆二篇氣魄沈摯
最爲精彩

劉克莊曰語極悲壯其形容臨淮憂讒畏譏不敢入
朝之意獨見分曉

贈左僕射鄭國公嚴公武

鄭公瑚璉器華岳金天晶昔在童子日已聞老成名崑
然大賢後復見秀骨清開口取將相小心事友生圖書

百紙盡落筆。四座驚。歷職匪父任。嫉邪常力爭。漢儀尚
整肅。胡騎忽縱橫。飛傳自河隴。逢人問公卿。不知萬乘
出。雪涕風悲鳴。受詞劔閣道。謁帝蕭關城。寂寞雲臺仗。
飄飄沙塞旌。江山少使者。笳鼓凝皇情。壯士血相視。忠
臣氣不平。密論貞觀體。揮發岐陽征。感激動四極。聯翩
收二京。西郊牛酒再。原廟丹青明。匡汲俄寵辱。衛霍竟
哀榮。四登會府地。三掌華陽兵。京兆空柳色。尚書無履
聲。羣烏自朝夕。白馬休橫行。諸葛蜀人愛。文翁儒化成。
公來雪山重。公去雪山輕。記室得何遜。韜鈴延子荆。四

卷十二

六

郊失壁壘。虛館開逢迎。堂上指圖畫。軍中吹玉笙。豈無
成都酒。憂國只細傾。時觀錦水釣。問俗終相并。意待犬
戎滅。人藏紅粟盈。以茲報主願。庶或裨世程。炯炯一心
在。沈沈二豎嬰。顏回竟短折。賈誼徒忠貞。飛旄出江漢。
孤舟轉荆衡。虛無馬融笛。悵望龍驤塋。空餘老賓客。身
上愧簪纓。

嚴武鎮蜀雖多不法。然在蜀而蜀安。去蜀而蜀危。以其
去來爲輕重。則道其實也。且武於甫最爲知己。故極寫
其忠勤大畧。諸將詩云。軍令分明數舉杯。亦同此意。

贈太子太師汝陽郡王璣

汝陽讓帝子。眉宇眞天人。虬鬚似太宗。色映塞外春。往者開元中。主恩視遇頻。出入獨非時。禮異見羣臣。愛其謹潔極。倍此骨肉親。從容聽朝後。或在風雪晨。忽思格猛獸。苑囿騰清塵。羽旗動若一。萬馬肅駢駢。詔王來射雁。拜命已挺身。箭出飛鞞內。上又回翠麟。翻然紫塞翻。下拂明月輪。胡人雖獲多。天笑不爲新。王每中一物。手自與金銀。袖中諫獵書。扣馬久上陳。竟無銜槩虞。聖聰矧多仁。官免供給費。水有在藻鱗。匪唯帝老大。皆是王忠勤。晚年務置醴。門引申白賓。道大容無能。永懷侍芳茵。好學尙貞烈。義形必霑巾。揮翰綺繡揚。篇什若有神。川廣不可泝。墓久狐兔鄰。宛彼漢中郡。文雅見天倫。何以開我悲。泛舟俱遠津。温温昔風味。少壯已書紳。舊遊易磨滅。衰謝增酸辛。

贈祕書監江夏李公邕

長嘯宇宙間。高才日陵替。古人不可見。前輩復誰憶。昔李公存。詞林有根柢。聲華當健筆。灑落富清製。風流散金石。追琢山岳銳。情窮造化理。學貫天人際。干謁走

其門碑版照四裔。各滿深望還。森然起凡例。蕭蕭白楊路。洞徹寶珠惠。龍宮塔廟湧。浩劫浮雲衛。宗儒俎豆事。故吏去思計。眇睠已皆虛。跋涉曾不泥。向來映當時。豈獨勸後世。豐屋珊瑚鉤。騏驎織成罽。紫駟隨劒几。義取無虛歲。分宅脫驂閒。感激懷未濟。眾歸凋給美。擺落多藏穢。獨步四十年。風聽九皋唳。嗚呼江夏姿。竟掩宣尼袂。往者武后朝。引用多寵嬖。否臧太常議。面折二張勢。衰俗凜生風。排蕩秋旻霽。忠貞負冤恨。宮闕深旒綴。放逐早聯翩。低垂困炎厲。日斜鵬鳥入。魂斷蒼梧帝。榮枯

卷十二

八

走不暇。星駕無安稅。篋分漢廷竹。夙擁文侯篲。終悲洛陽獄。事近小臣倣。禍階初負謗。易力何深瘳。伊昔臨淄亭。酒酣託末契。重敘東都別。朝陰改軒砌。論文到崔蘇。指盡流水逝。近伏盈川雄。未甘特進麗。是非張相國。相扼一危脆。爭名古豈然。關鍵歛不閉。例及吾家詩。曠懷埽氛翳。慷慨嗣眞作。咨嗟玉山桂。鍾律儼高懸。鯨鯨噴迢遞。坡陁青州血。無沒汶陽瘞。哀贈竟蕭條。恩波延揭厲。子孫存如綫。舊客舟凝滯。君臣尙論兵。將帥接燕薊。朗咏六公篇。憂來豁蒙蔽。

仇兆鰲曰各章以序事成文部署森嚴純似班史惟此章感慨激昂排蕩變化直追龍門之筆細按其前後段落又未嘗不脈絡整齊也

故祕書少監武功蘇公源明

武功少也孤徒步客徐兗讀書東岳中十載考墳典時下萊蕪郭忍飢浮雲嘯負米晚爲身每食臉必泣夜字照蕪薪垢衣生碧蘚庶以勤苦志報茲劬勞顯學蔚醇儒姿文包舊史善灑落辭幽人歸來潛京輦射君東堂策宗匠集精選制可題未乾乙科已大闡文章日自負

卷十二

九

吏祿亦累踐晨趨閭闔內足踏宿昔跡一麾出守還黃屋朔風卷不暇陪八駿虜庭悲所遣平生滿樽酒斷此朋知展憂憤病二秋有恨石可轉肅宗復社稷得無逆順辨范曄顧其兒李斯憶黃犬秘書茂松意溟漲本末淺青熒芙蓉劍犀兕豈獨剗反爲後輩褻予實苦懷緬煌煌齋房芝事絕萬手攀垂之俟來者正始徵勸勉不要懸黃金胡爲投乳贖結交三十載吾與誰遊衍滎陽復冥寞罪罟已橫胷嗚呼子逝日始泰則終蹇長安米萬錢凋喪盡餘喘戰伐何當解歸帆阻清河尙纏漳水

疾永負蒿里餞。

故著作郎貶台州司戶滎陽鄭公虔

鷄鵠至。魯門不識鐘。鼓饗孔翠望。赤霄愁思雕籠養。滎

陽冠眾儒。早聞名公賞。地崇士大夫。況乃氣精爽。原注

公在疾蘇許公頌位尊望重素未相識早愛天然生知

才名躬自撫問後結忘年之契遠邇嘉之

姿學立游夏上。神農極闕漏。黃石愧師長。藥纂西極名。

原注公著蒼叢等諸書兵流指諸掌。貫穿無遺恨。蒼叢

之外又撰胡本草七卷何技癢。圭臬星經奧。蟲篆丹青廣。子雲窺未遍。方朔諧

太枉。神翰顧不一。體變鍾兼兩。文傳天下口。大字猶在

榜。昔獻書畫圖。新詩亦俱往。滄洲動玉陛。寡鶴誤一響。

三絕自御題。四方尤所仰。嗜酒益疏放。彈琴視天壤。形

骸實土木。親近唯几杖。未曾寄官曹。突兀倚書幌。晚就

芸香閣。胡塵昏塊莽。反覆歸聖朝。點染無滌盪。老蒙台

州掾。泛泛浙江槩。履穿四明雪。飢拾檣溪橡。空聞紫芝

歌。不見杏壇丈。天長跳東南。秋色餘魍魎。別離慘至今。

斑白徒懷曩。春深秦山秀。葉墜清渭朗。劇談王公門。野

稅林下軌。操紙終夕酣。時物集遐想。詞場竟疏闊。平昔

濫吹獎百年。見存沒牢落。吾安放蕭條。阮咸在出處。同

世網他日訪江樓含悽述飄蕩

原注著作與今秘書監鄭君審篇翰齊價請江

陵故有阮咸江樓之句

王士正曰百年見存沒牢落吾安放十字悲甚

故右僕射相國張公九齡

相國生南紀金璞無畱礪仙鶴下人間獨立霜毛整矯
然江海思復與雲路永寂寞想土階未遑等箕穎上君
白玉堂倚君金華省碣石歲崢嶸天地日蛙黽退食吟
大庭何心記榛梗骨驚畏曩哲鬢變負人境雖蒙換蟬
冠右地惡多幸敢忘二疏歸痛迫蘇耽井紫綬映暮年

卷十二

七

荊州謝所領庾公興不淺黃霸鎮每靜賓客引調同諷
詠在務屏詩罷地有餘篇終語清省一陽發陰管淑氣
含公鼎乃知君子心用才文章境散帙起翠螭倚薄巫
廬並綺麗元暉擁牋誅任昉騁自我一家則未缺隻字
警千秋滄海南名繫朱鳥影歸老守故林戀闕情延頸
波濤良史筆蕪絕大庾嶺向時禮數隔制作難上請再
讀徐孺碑猶思理烟艇

子美八哀自是鉅篇然以韻語作敘述情緒既繁筆墨
不無利鈍大家之文正如黃河之水滔滔莽莽魚龍砂

石與流俱下。非如沼沚之觀。清冷可喜而已。論此詩者。譽之或過其實。毀之或損其真。惟盧世淮曰。八哀詩未免傷煩傷汎。然詩家之元氣在焉。杜詩之體統存焉。不可遺亦不容選斯言得之。

劉克莊曰。八哀詩崔德符謂可以表裏雅頌。中古作者莫及韓子。蒼謂其筆力變化。當與太史公諸贊方駕。惟葉石林謂長篇最難。晉魏以前無過十韻。常使人以意逆志。初不以敘事顛倒爲工。此八篇本非集中高作。而世多尊稱。不敢置議。其病蓋傷於多如李

卷十二

三

邕蘇源明篇中多累句。芟去方爲盡善。余謂韓比此於史公紀傳固不易之論。至於石林之評累句爲長篇者亦不可不知。

寫懷

勞生共乾坤。何處異風俗。冉冉自趨競。行行見羈束。無貴賤。不悲無富貧。亦足萬古一骸骨。鄰家遞歌哭。鄙夫到巫峽。三歲如轉燭。全命甘畱滯。忘情任榮辱。朝班及暮齒。日給還脫粟。編蓬石城東。採藥山北谷。用心霜雪閒。不必條蔓綠。非關故安排。曾是順幽獨。達士如弦直。

小人似鉤。曲曲直。我不知負。暄候樵牧。

貌古心遠。見道之言。非關矯語。

觀公孫大娘弟子舞劍器行 并序

大曆二年十月十九日。夔府別駕元持宅。見臨穎李十二娘舞劍器。壯其蔚跂。問其所師。曰。余公孫大娘弟子也。開元三載。余尚童穉。記於郾城。觀公孫氏舞劍器。渾脫。瀏灑。頓挫。獨出冠時。自高頭宜春梨園二伎坊內人。洎外供奉。曉是舞者。聖文神武皇帝初。公孫一人而已。玉貌錦衣。況余白首。今茲弟子。亦非盛

卷十二

顏。既辨其由來。知波瀾莫二。撫事慷慨。聊爲劍器行。往者吳人張旭善草書。書帖數常於鄴縣。見公孫大娘舞西河劍器。自此草書長進。豪蕩感激。卽公孫可知矣。

昔有佳人公孫氏。一舞劍器動四方。觀者如山色沮喪。天地爲之久低昂。燿如羿射九日落。矯如羣帝驂龍翔。來如雷霆收震怒。罷如江海凝清光。絳脣珠袖兩寂寞。況有弟子傳芬芳。臨穎美人在白帝。妙舞此曲神揚揚。與余問答既有以。感時撫事增惋傷。先帝侍女八千人。

公孫劒器初第一。五十年間似反掌。風塵瀕洞昏王室。
梨園子弟散如烟。女樂餘姿映寒日。金粟堆南木已拱。
瞿唐石城草蕭瑟。玳筵急管曲復終。樂極哀來月東出。
老夫不知其所在。足繭荒山轉愁疾。

前如山之嶙峋。後如海之波瀾。前半極其濃。至後半感
歎音響。一何悲絃急。知柱促也。

劉克莊曰。此篇與琵琶行。一如壯士軒昂赴敵場。一
如兒女恩怨相爾汝。

王嗣奭曰。此見舞劒器而傷往事。全是爲開元天寶

卷十二

西

五十年間治亂興衰而發

王士正曰。陳暘樂書云。樂府諸曲。自古不用犯聲。自
則天末年。劒器入。渾脫爲犯聲之始。劒器宮調。渾脫
商調。以臣犯君。故爲犯聲。又唐多用解曲。如柘枝。用
渾脫解之類。觀此。則劒器渾脫各爲舞曲之名。今人
誤讀杜序。以渾脫瀏澗頓挫六字爲句。文字中往往
連綴用之。可笑也。

同元使君春陵行

并序

覽道州元使君結春陵行。兼賊退後示官吏作二首。

志之曰。當天子分憂之地。效漢官良吏之目。今盜賊未息。知民疾苦。得結輩十數公。落落然參錯天下。爲邦伯。萬物吐氣。天下少安。可得矣。不意復見比興體制。微婉頓挫之詞。感而有詩。增諸卷軸。簡知我者。不必寄元。

遭亂髮盡白。轉衰病相嬰。沈綿盜賊際。狼狽江漢行。歎時藥力薄。爲客羸瘵成。吾人詩家秀。博采世上名。粲粲元道州。前聖畏後生。觀乎春陵作。歛見俊哲情。復覽賊退篇。結也實國楨。賈誼昔流慟。匡衡常引經。道州憂黎

卷十二

五

庶詞氣浩縱橫。兩章對秋月。一字偕華星。致君唐虞際。純樸憶大庭。何時降璽書。用爾爲丹青。獄訟永衰息。豈唯偃甲兵。悽惻念誅求。薄斂近休明。乃知正人意。不苟飛長纓。涼飈振南岳。之子寵若驚。色阻金印大。興含滄浪清。我多長卿病。日夕思朝廷。肺枯渴太甚。漂泊公孫城。呼兒具紙筆。隱几臨軒楹。作詩呻吟內。墨淡字欹傾。感彼危苦詞。庶幾知者聽。

悃幅無華之吏。日計不足。歲計有餘。不肖者橫征暴斂。掊削元氣。爲民蠹賊。古之賢君。所以惓惓於良二千石。

也甫此篇所謂干預教化之尤者元結二詩仁者之言
可以並垂不朽

元結春陵行序云癸卯歲漫叟授道州刺史道州舊
四萬餘戶經賊已來不滿四千大半不勝賦稅到官
未五十日承諸使徵求符牒二百餘封皆曰失其限
者罪至貶削於戲若悉應其命則州縣破亂刺史欲
焉逃罪若不應命又卽獲罪戾必不免也吾將守官
靜以安人待罪而已此州是春陵故地故作春陵行
以達下情詩曰軍國多所須切責在有司有司臨郡

卷十二

六

縣刑法竟欲施供給豈不憂徵斂又可悲州小經亂
亡遣人實困疲大鄉無十家大族命單羸朝殮是草
根暮食乃樹皮出言氣欲絕意速行步遲追呼尙不
忍沉乃鞭扑之郵亭傳急符來往迹相追更無寬大
恩但有迫促期欲令鬻兒女言發恐亂隨悉使索其
家而又無生資聽彼道路言怨傷誰復知去冬山賊
來殺奪幾無遺所願見王官撫養以惠慈柰何重驅
逐不使存活爲安人天子命符節吾所持州縣忽亂
亡得罪復是誰逋緩違詔令蒙責固所宜前賢重守

分惡以禍福移亦云貴守官不愛能適時顧唯孱弱者正直當不虧何人採國風吾欲獻此辭又賊退示官吏序云癸卯歲西原賊入道州殺掠幾盡而去明年賊又攻永破邵不犯此州邊鄙而退豈力能制敵蓋蒙其傷憐而已諸使何爲忍苦徵斂故作詩一篇以示官吏詩曰昔歲逢太平山林二十年泉源在庭戶洞壑當門前井稅有常期日晏猶得眠忽然遭世變數歲親戎旃今來典斯郡山夷又紛然城小賊不屠人貪傷可憐是以陷鄰境此州獨見全使臣將王命豈不如賊焉今彼徵斂者迫之如火煎誰能絕人命以作時世賢思欲委符節引竿自刺船將家就魚菱窮老江湖邊

李潮八分小篆歌

蒼頡鳥迹旣茫昧字體變化如浮雲陳倉石鼓又已訛大小二篆生八分秦有李斯漢蔡邕中間作者寂不聞嶧山之碑野火焚棗木傳刻肥失真苦縣光和尙骨立書貴瘦硬方通神惜哉李蔡不復得吾甥李潮下筆親尙書韓擇木騎曹蔡有鄰開元已來數八分潮也奄有

二子成。三人况。潮小篆逼秦相。快劍長戟森相向。八分
一字直。百金蛟龍盤。擘肉屈強吳。郡張顛誇草書。草書
非古空。雄壯豈如吾。甥不流宕丞相中。郎丈人行巴東。
逢李潮。逾月求我歌。我今衰老才力薄。潮乎潮乎柰汝
何。

論書皆中肯綮。坡老云杜陵評書貴瘦硬。此論未公。吾
不憑特借作跌宕耳。非遂不許其論也。詩亦瘦硬無比。

聽楊氏歌

佳人絕代歌。獨立發皓齒。滿堂慘不樂。響下清虛裏。江

卷十二

六

城帶素月。況乃清夜起。老大悲暮年。壯士淚如水。玉盃
久寂寞。金管迷宮徵。勿云聽者疲。愚智心盡死。古來傑
出士。豈待一知己。吾聞昔秦青。傾側天下耳。

荆南兵馬使太常卿趙公大食刀歌

太常樓船聲嗽嘈。問兵刮寇趨下牢。放出令奔飛百艘。
猛蛟突獸紛騰逃。白帝寒城駐錦袍。元冬示我胡國刀。
壯士短衣頭虎毛。憑軒拔鞘天爲高。翻風轉日木怒號。
冰翼雪淡傷哀猿。鐫錯碧豐鷗。鵝膏銚鏑已瑩。虛秋濤
鬼物撇振辭坑壕。蒼水使者捫赤條。龍伯國人罷釣鼈。

芮公回首顏色勞。分閫救世用賢豪。趙公玉立高歌起。
攬環結佩相終始。萬歲持之護天子。得君亂絲與君理。
蜀江如線如針水。荆岑彈丸心未已。賊臣惡子休干紀。
魑魅魍魎徒爲耳。妖腰亂領敢欣喜。用之不高亦不庠。
不似長劔須天倚。吁嗟光祿英雄弭。大食寶刀聊可比。
丹青宛轉麒麟裏。光芒六合無泥滓。

王嗣爽曰此燕歌行變體布局既新鍊詞特異所謂
驚人之作

王兵馬使二角鷹

卷十二

九

悲臺蕭颯石寵從。哀壑杈枒浩呼洶。中有萬里之長江。
回風滔日孤光動。角鷹翻倒壯士臂。將軍玉帳軒勇氣。
二鷹猛腦條徐墜。目如愁胡視天地。杉雞竹兔不自惜。
溪虎野羊俱辟易。韝上鋒稜十二翮。將軍勇銳與之敵。
將軍樹勳起安西。崑崙虞泉入馬蹄。白羽曾肉三狡狴。
敢決豈不與之齊。荆南芮公得將軍。亦如角鷹下翔雲。
惡鳥飛飛啄金屋。安得爾輩開其羣。驅出六合梟鸞分。
以賦鷹者賦人。賓主離合幾於魚龍百變。眩人心目。此
與前篇皆擺脫恒蹊體格音節蒼然入古。

沈德潛曰起四句不著鷹一字然如有角鷹飛於目前入手須如此著墨

狄明府

梁公曾孫我姨弟不見十年官濟濟大賢之後竟陵遲
浩蕩古今同一體比看叔伯四十人有才無命百僚底
今者兄弟一百人幾人卓絕秉周禮在汝更用文章爲
長兄白眉復天啟汝門請從曾翁說太后當朝多巧詆
狄公執政在末年濁河終不污清濟國嗣初將付諸武
公獨廷諍守丹陛禁中決冊請房陵前朝長老皆流涕
太宗社稷一朝正漢官威儀重昭洗時危始識不世才
誰謂荼苦甘如薺汝曹又宜列土食身使門戶多旌棨
胡爲漂泊岷漢閒干謁王侯頗歷抵況乃山高水有波
秋風蕭蕭露泥泥虎之飢下巉岳蛟之橫出清泚早歸
來黃土泥衣眼易眯

卷十三

三

浦起龍曰舊說此詩俱以憐狄漂零爲解今觀篇尾一段乃與昌黎送董邵南序同意蓋博濟必不得志於朝而歷千藩鎮者時河北方多擅命意頗不喜其往也

秋風二首

秋風淅淅吹巫山。上牢下牢修水關。吳檣楚柂牽百丈。
暖向神都寒未還。要路何日罷長戟。戰自青羌連百蠻。
中巴不曾消息好。暝傳戍鼓長雲閒。

秋風淅淅吹我衣。東流之外西日微。天清小城擣練急。
石古細路行人稀。不知明月爲誰好。早晚孤帆他夜歸。
會將白髮倚庭樹。故園池臺今是非。

洗馬言愁淒然可聽

虎牙行

卷十二

三

秋風歙吸吹南國。天地慘慘無顏色。洞庭揚波江漢回。
虎牙銅柱皆傾側。巫峽陰岑朔漠氣。峰巒窈窕谿谷黑。
杜鵑不來猿狖寒。山鬼幽憂雪霜逼。楚老長嗟憶炎瘴。
三尺角弓兩斛力。壁立石城橫塞起。金錯旌竿滿雲直。
漁陽突騎獵青邱。犬戎鑱甲聞丹極。八荒十年防盜賊。
征戍誅求寡妻哭。遠客中宵淚霑臆。

後苦寒行二首

南紀巫廬瘴不絕。太古以來無尺雪。蠻夷長老怨苦寒。
崑崙天關凍應折。元猿口噤不能嘯。白鵠翅垂垂流血。

安得春泥補地裂。

晚來江門失大木。猛風中夜吹白屋。天兵斬斷青海戎。
殺氣南行動地軸。不爾苦寒何太酷。巴東之峽生凌斷。
彼蒼回斡人得知。

節短勢險別成格調

張潛曰命意用筆善於轉換

夜歸

夜來歸來衝虎過。山黑家中已眠臥。傍見北斗向江低。
仰看明星當空大。庭前把燭噀兩炬。峽口驚猿聞一箇。

卷十二

三

白頭老罷舞復歌。杖藜不睡誰能那。

醉爲馬墜諸公攜酒相看

甫也諸侯老賓客。罷酒酣歌拓金戟。騎馬忽憶少年時。
散蹄迸落瞿塘石。白帝城門水雲外。低身直下八千尺。
粉堞電轉紫遊韁。東得平岡出天壁。江村野堂爭入眼。
垂鞭鞞鞞凌紫陌。向來皓首驚萬人。自倚紅顏能騎射。
安知決臆追風足。朱汗驂驪猶噴玉。不虞一蹶終損傷。
人生快意多所辱。職當憂戚伏衾枕。況乃遲暮加煩促。
朋知來問腆我顏。杖藜強起依僮僕。語盡還成開口笑。

提攜別掃清谿曲。酒肉如山。又一時。初筵哀絲動。豪竹共指西日。不相貸。喧呼且覆盃。中淥何必走馬來爲問。君不見嵇康養生遭殺戮。

前有聲色後饒情。致一敘一解。老氣無比。

大覺高僧蘭若

原注和尚去冬往湖南

巫山不見廬山遠。松林蘭若秋風晚。一老猶鳴日暮鐘。諸僧尙乞齋時飯。香鑪峯色隱晴湖。種杏仙家近白榆。飛錫去年啼邑子。獻花何日許門徒。

風調清迥頗似摩詰

卷十二

三

宿青溪驛奉懷張員外十五兄之緒

漾舟千山內。日入泊枉渚。我生本飄飄。今復在何許。石根青楓林。猿鳥聚儔侶。月明游子靜。畏虎不得語。中夜懷友朋。乾坤此深阻。浩蕩前後閒。佳期付荆楚。

黃生曰此詩在杜集已爲輕秀之作較諸唐賢猶見

氣骨

憶昔行

憶昔北尋小有洞。洪河怒濤過輕舸。辛勤不見華蓋君。良岑青輝慘麼麼。干崖無人萬壑靜。三步回頭五步坐。

秋山眼冷魂未歸。仙賞心違淚交墮。弟子誰依白茅室。
盧老獨啟青銅鎖。巾拂香餘搗藥塵。階除灰死燒丹火。
元圃滄洲莽空闊。金節羽衣飄婀娜。落日初霞閃餘映。
倏忽東西無不可。松風礪水聲合時。青兕黃熊啼向我。
徒然咨嗟無遺迹。至今夢想仍猶左。秘訣隱文須內教。
晚歲何功使願果。更討衡陽董鍊師。南浮早鼓瀟湘柂。

魏將軍歌

將軍昔著從事衫。鐵馬馳突重兩銜。被堅執銳略西極。
崑崙月窟東嶄巖。君門羽林萬猛士。惡若哮虎子所監。

卷十二

古

五年起家列霜戟。一日過海收風帆。平生流輩徒蠢蠢。
長安少年氣欲盡。魏侯骨聳精爽緊。華嶽峯尖見秋隼。
星纏寶校金盤陀。夜騎天駟超天河。櫂槍熒惑不敢動。
翠鞋雲旂相蕩摩。吾爲子起歌都護。酒闌插劍肝膽露。
鉤陳蒼蒼風元武。萬歲千秋奉明主。臨江節士安足數。
精緊廉悍自是子美盛年之作

仇兆鰲曰前用八句轉韻中間各四句轉末則三句
兩句疊韻蓋歌中音調取其繁聲促節也

北風

北風破南極。朱鳳日威垂。洞庭秋欲雪。鴻雁將安歸。十年殺氣盛。六合人烟稀。吾慕漢初老。時清猶茹芝。

白鳧行

君不見黃鵠高於五尺童。化爲白鳧似老翁。故畦遺穗已蕩盡。天寒歲暮波濤中。鱗介腥羶素不食。終日忍飢西復東。魯門鷄鵠亦蹭蹬。聞道如今猶避風。

託寄悱惻

董斯張曰魯門爰居隱然有不饗太牢不樂鐘鼓之態此老倔彊百折不回

卷十二

董

醉歌行贈公安顏少府請顧入題壁

神仙中人不。易得顏氏之子才。孤標天馬長鳴待。駕馭秋鷹整翮當。雲霄君不見東吳顧文學。君不見西漢杜陵老。詩家筆勢君不嫌。詞翰升堂爲君埽。是日霜風凍七澤。烏蠻落照銜赤壁。酒酣耳熱忘頭白。感君意氣無所惜。一爲歌行歌主客。

偶然酬應必挾奇氣而出隨筆所至皆臻妙境

夜聞簷簾

夜聞簷簾滄江上。衰年側耳情所嚮。鄰舟一聽多感以

塞曲三更歎。悲壯積雪飛。霜此夜寒。孤燈急管復風湍。
君知天地干戈滿。不見江湖行路難。

發劉郎浦

挂帆早發劉郎浦。疾風颯颯昏亭午。舟中無日不沙塵。
岸上空村盡豺虎。十日北風風未回。客行歲晚晚相催。
白頭厭伴漁人宿。黃帽青鞋歸去來。

別董頰

窮冬急風水。逆浪開帆難。士子甘旨闕。不知道里寒。有
求彼樂土。南適小長安。別我舟楫去。覺君衣裳單。素聞

卷十二

美

趙公節兼盡。賓主歡已結。門廬望無令。霜雪殘老夫。纜
亦解脫粟朝未餐。飄蕩兵甲際。幾時懷抱寬。漢陽頗甯
靜。峴首試考槃。當念著白帽。采薇青雲端。
情意稠疊深得贈言之義

送顧八分文學適洪吉州

中郎石經後。八分蓋憔悴。顧侯運鑪錘。筆力破餘地。昔
在開元中。韓蔡同勳。元宗妙其書。是以數子至。御札
早流傳。揄揚非造次。三人並入直。恩澤各不二。顧於韓
蔡內。辨眼工小字。分日示諸王。鉤深法更秘。文學與我

遊蕭疏外聲利。追隨二十載。浩蕩長安。醉高歌。卿相宅。
文翰飛省寺。視我揚馬閒。白首不相棄。驂入窮巷必。
脫黃金轡。一論朋友難。遲暮敢失墜。古來事反覆。相見
橫涕泗。嚮者玉珂人。誰是青雲器。才盡傷形體。病渴汗
官位。故舊獨依然。時危話顛躓。我甘多病老。子負憂世
志。胡爲困衣食。顏色少稱遂。遠作辛苦行。順從眾多意。
舟楫無根蒂。蛟鼉好爲祟。況兼水賊繁。特戒風颺駛。崩
騰戎馬際。往往殺長吏。子干東諸侯。勸勉防縱恣。邦以
民爲本。魚飢費香餌。請哀瘡痍深。告訴皇華使。使臣精
所擇。進德知歷試。惻隱誅求情。固應賢愚異。烈士惡苟
得。俊傑思自致。贈子猛虎行。出郊載酸鼻。

振筆直書縱橫。歷落行乎其所。當行止乎其所。不得不
止。詩境至此亦從心不踰矩時也。

王嗣爽曰全篇無一字虛飾可以知其相與之情而
愛民之真懇規友之直諫又兩見之矣

遣遇

磬折辭主人。開帆駕洪濤。春水滿南國。朱崖雲日高。舟
子廢寢食。飄風爭所操。我行匪利涉。謝爾從者勞。石閒

采蕨女鬻菜輸官曹。丈夫死百役暮返空村號。聞見事
略同。刻剝及錐刀。貴人豈不仁。視汝如莠蒿。索錢多門
戶。喪亂紛紛嗷嗷。柰何黠吏徒。漁奪成逋逃。自喜遂生理
花時甘溫袍。

解憂

減米散同舟。路難思共濟。向來雲濤盤眾力。亦不細呀
坑。瞥眼過飛檣。本無帶得失。瞬息間。致遠宜恐泥。百慮
視安危。分明曩賢計。茲理庶可廣。拳拳期勿替。

出險思懼真更事之言

卷十二

天

宿鑿石浦

早宿賓從勞。仲春江山麗。飄風過無時。舟楫敢不繫。回
塘澹暮色。日沒眾星嘒。缺月殊未生。青燈死分黯。窮途
多俊異。亂世少恩惠。鄙夫亦放蕩。草草頻卒歲。斯文憂
患餘。聖哲垂彖繫。

過津口

南岳自茲近。湘流東逝深。和風引桂楫。春日漲雲岑。回
首過津口。而多楓樹林。白魚困密網。黃鳥喧嘉音。物微
限通塞。惻隱仁者心。貪餘不盡酒。膝有無聲琴。聖賢兩

寂寞眇眇獨開襟。

紀行諸詩一片老境有如天降時雨山川出雲木葉盡脫石氣自青視入蜀詩別一境界蓋渾用力之迹而臻於化矣

次空靈岸

云
云逆素浪落落展清眺幸有舟楫遲得盡所歷妙空靈霞石峻楓枯隱奔峭青春猶無私白日亦偏照可使營吾居終焉託長嘯毒瘴未足憂兵戈滿邊徼嚮者甯遺恨恥爲達人誚回帆覬賞延佳處領其要

卷十二

无

宿花石戍

午辭空靈岑夕得花石戍岸疏開闢水木雜今古樹地蒸南風盛春熱西日暮四序本平分氣候何回互茫茫天造閒理亂豈恒數繫舟盤藤輪策杖古樵路罷人不在村野圃泉自注柴扉雖沒農器尙牢固山東殘逆氣吳楚守王度誰能扣君門下令減征賦
體兼鮑謝義入風詩

望嶽

南嶽配朱鳥秩禮自百王歛吸領地靈鴻洞半炎方邦

家用祀典在德非馨香。巡守何寂寥。有虞今則亡。泊吾
隘世網。行邁越瀟湘。渴日絕壁出。漾舟青光旁。祝融五
峰尊。峰峰次低昂。紫蓋獨不朝。爭長巢相望。恭聞魏夫
人。羣仙夾翺翔。有時五峰氣。散風如飛霜。牽迫限修途。
未暇杖崇岡。歸來覲命駕。沐浴休玉堂。三歎問府主。曷
以贊我皇。牲璧忍衰俗。神其思降祥。

岱華二詩筆意峭拔各極其變此則另闢一格出以典
重以明德惟馨之意勛勵守土尤有立言之旨非徒得
郊壇登歌氣象

卷十二

三

沈德潛曰靈光縹緲氣象肅穆漢人練時日帝臨諸
章是此詩原本

岳麓山道林二寺行

玉泉之南麓山殊。道林林壑爭盤紆。寺門高開洞庭野。
殿腳插入赤沙湖。五月寒風冷佛骨。六時天樂朝香爐。
地靈步步雪山草。僧寶人人滄海珠。塔劫宮牆壯麗敵。
香廚松道清涼俱。蓮花交響共命鳥。金榜雙回三足烏。
方丈涉海費時節。元圃尋河知有無。暮年且喜經行近。
春日兼蒙暄暖扶。飄然斑白身奚適。傍此烟霞茅可誅。

桃源人家易制度。橘洲田土仍膏腴。潭府邑中甚淳古。
太守庭內不喧呼。昔遭衰世皆晦迹。今幸樂國養微軀。
依止老宿亦未晚。富貴功名焉足圖。久爲野客尋幽慣。
細學何陋免興孤。一重一掩吾肺腑。山鳥山花吾友于。
宋公放逐曾題壁。物色分畱與老夫。

排比綿麗

王嗣爽曰全篇一氣抒寫如珠走盤

歲晏行

歲云暮矣多北風。瀟湘洞庭白雪中。漁父天寒網罟凍。

卷十二

三

莫徭射雁鳴桑弓。去年米貴闕軍食。今年米賤大傷農。
高馬達官厭酒肉。此輩杼軸茅茨空。楚人重魚不重鳥。
汝休枉殺南飛鴻。況聞處處鬻男女。割慈忍愛還租庸。
往日用錢捉私鑄。今許鉛錫和青銅。刻泥爲之最易得。
好惡不合長相蒙。萬國城頭吹畫角。此曲哀怨何時終。
聲哀厲而彌長。其氣之老正在參錯中。

追酬故高蜀州人日見寄

并序

開文書帙中檢所遺忘。因得故高常侍適往居在城。
都時高任蜀州刺史。人日相憶見寄詩。淚灑行間讀。

終篇未自枉詩已十餘年莫記存沒又六七年矣老
病懷舊生意可知今海內忘形故人獨漢中王瑀與
昭州敬使君超先在愛而不見情見乎辭大厯五年
正月二十一日卻追酬高公此作因寄王及敬弟

自蒙蜀州人日作不意清詩久零落今晨散帙眼忽開
迸淚幽吟事如昨嗚呼壯士多慷慨合沓高名動寥廓
歎我悽悽求友篇感時鬱鬱匡君略錦里春光空爛熳
瑤墀侍臣已冥寞瀟湘水國傍鼉鼉鄴杜秋天失鵬鸞
東西南北更誰論白首扁舟病獨存遙拱北辰纏寇盜

卷十二

三

欲傾東海洗乾坤邊塞西蕃最充斥衣冠南渡多崩奔
鼓瑟至今悲帝子曳裾何處覓王門文章曹植波瀾闊
服食劉安德業尊長笛誰能亂愁思昭州詞翰與招魂

蘇大侍御訪江浦賦八韻紀異

并序

蘇大侍御渙靜者也旅於江側凡是不交州府之客
人事都絕久矣肩輿江浦忽訪老夫舟楫而已茶酒
內余請誦近詩肯吟數首才力素壯詞句動人接對
明日憶其湧思雷出書篋几杖之外殷殷留金石聲
賦八韻記異亦見老夫傾倒於蘇至矣

龐公不浪出。蘇氏今有之。再聞誦新作。突過黃初詩。乾坤幾反覆。揚馬宜同時。今晨清鏡中。勝食齋房芝。余髮喜卻變。白間生黑絲。昨夜舟火滅。湘娥簾外悲。百靈未敢散。風破寒江遲。

結語奇妙耐人百味

仇兆鰲曰詩止七韻而題云八韻用韻取耦不取奇也

孫光憲曰渙有變律詩十九首上廣帥李公唐人謂渙詩長於諷刺得陳拾遺一鱗半甲後以作亂伏誅

卷十二

題衡山縣文宣王廟新學堂呈陸宰

旄頭彗紫微。無復俎豆事。金甲相排蕩。青衿一憔悴。嗚呼已十年。儒服弊於地。征夫不遑息。學者淪素志。我行洞庭野。歛得文翁肆。先先胄子行。若舞風雩至。周室宜中興。孔門未應棄。是以資雅才。渙然立新意。衡山雖小邑。首唱恢大義。因見縣尹心。根源舊宮闕。講堂非曩構。大屋加塗墍。下可容百人。牆隅亦深邃。何必三千徒。始壓戎馬氣。林木在庭戶。密幹疊蒼翠。有井朱夏時。輒轡凍階屐。耳聞讀書聲。殺伐災髣髴。故國延歸望。衰顏減

愁思南紀。改波瀾。西河共風味。采詩倦跋涉。載筆尙可紀。高歌激宇宙。凡百慎失墜。

氣體肅穆。便可作此。邑修學記。

何焯曰。感慨頓挫。自成有韻之文。

卷十二

壽

